

usura, *neque mutuum, neque fœneratitium*. *Secundo loco* montò lo episcopo de Treviso, il qual lesse una constitutione de li exempti, i quali, sotto pretesto de le loro exemptione da li sui ordinarii cometeno diversi errori: che perseverando, siano privi de le loro exemptione, et similmente impone pena a li ordinarii che non li punisseno. *In tertio loco*, montò sopra il pergolo lo episcopo de Nantes, il qual lesse una constitutione, che non si possi nè in Roma, *nec alibi* stampar libri senza el maestro *Sacri Palatii* in Roma, et ne li altri loci senza licentia de quelli *quibus fuerit hoc onus demandatum*. *Quarto et ultimo*, assese lo episcopo de Castelamar spagnolo, et lesse una citatione *cum termino peremptorio* per la prima futura sessione undecima, che serà a' 14 Decembrio proximo, a li prelati et altri che suo *putant interesse de comparere in Concilio*, et dir le sue ragione *quatenus* la pragmatica sanctione non debbi esser levata. Et perchè a cadauna de queste letture, da po' lette le constitutione, si diceva *placet ne vobis domine ea quæ nunc lecta sunt?* l'orator francese, monsignor de Solier, si levò suso et andò al Papa et li porse certa scrittura, per la qual allegava che non *constabat de tuto accesso*, et che come li apparesse *tutus accessus* compareriano. Forno dati, *de more*, tutti li voti; et *cum il Te Deum* se levasseno et acompagnasseno la Santità del Pontifice fin a palatio, che era hore 21.

113 In questa matina, in Quarantia criminal fo deciso el caso de li Avogadori pasadi con li presenti, si dieno intraverir ne la expedition di Jacob hebreo fiol di Anselmo, absente, et l'andava in favor di presenti. Parloe sier Zuan Capello, fo avogador, et non li volseno risponder. Andò la parte: fo 17 di sì, 18 di no, 3 non sincere. Et *iterum* balotata: 4 non sincere, 16 di no, 18 de sì, e fo preso de sì.

Da poi disnar, fo Consejo di X con la zonta per far li tre Provedadori sora il Flisco. Per le gran pratiche si fa da tutti, et vanno a caxa et a le scale, da lo Marin Sanudo in fuora, *licet* fusse nominato, mi tolse sier Luca Trun e caziti. Tolti numero 29; mancava sier Alvixe Pixani el consier, qual andò a una sua lite ai Consoli di mercadanti. Rimaseno sier Matio Vituri, fo provedador sora la sanità, qu. sier Bartolomio, sier Andrea Barbarigo, fo patron a l'Arsenal, qu. sier Andrea, et sier Nicolò Vendramin, è di Pregadi, fo provedador executor in campo, qu. sier Polo, qu. sier Simon. Sotto, sier Andrea Prioli, fo patron a l'Arsenal, qu. sier Marco; il scurtinio sarà qui soto posto.

*Die 9 Mai 1515 in Concilio Decem cum additione.*

114

*Electi tre Provedadori sora il Flisco.*

|                                                                                                                           |       |
|---------------------------------------------------------------------------------------------------------------------------|-------|
| Sier Marco Antonio Venier dotor, fo auditor vechio, qu. sier Christofolo, qu. sier Francesco procurator . . . . .         | 10.19 |
| Sier Jacomo Contarini, fo provedador a Gradisca, qu. sier Piero . . . . .                                                 | 15.14 |
| Sier Lorenzo Dandolo, fo provedador di Comun, qu. sier Antonio dotor . . . . .                                            | 10.20 |
| Sier Polo di Prioli qu. sier Domenego . . . . .                                                                           | 14.14 |
| Sier Hironimo Barbarigo, fo provedador sora la revision di conti, qu. sier Antonio . . . . .                              | 10.18 |
| Sier Daniel Trivixan, fo zudexe di proprio, qu. sier Andrea . . . . .                                                     | 11.19 |
| Sier Marin Sanudo fo di sier Lunardo . . . . .                                                                            | 10.20 |
| Sier Francesco Longo, fo provedador sora la sanità, qu. sier Francesco . . . . .                                          | 17.13 |
| Sier Troian Bolani, fo provedador a Lonà, qu. sier Hironimo . . . . .                                                     | 8.21  |
| Sier Piero Mudazo, fo auditor, qu. sier Marco . . . . .                                                                   | 8.22  |
| Sier Andrea di Prioli, fo provedador sora le camere, qu. sier Zuane . . . . .                                             | 6.24  |
| Sier Hironimo da cha' Taiapiera, dotor, fo auditor nuovo . . . . .                                                        | 7.22  |
| Sier Domenego Griti, fo a la camera d'imprestidi, qu. sier Francesco . . . . .                                            | 15.14 |
| Sier Piero Badoer prior di San Zuanne Evanzelista, qu. sier Orso . . . . .                                                | 13.16 |
| Sier Beneto Bon el <i>grando</i> qu. sier Alexandro . . . . .                                                             | 10.20 |
| Sier Marco Antonio Contarini, fo di Pregadi, qu. sier Alvise . . . . .                                                    | 7.22  |
| Sier Piero Malipiero, fo provedador sora i officii, qu. sier Michiel . . . . .                                            | 6.24  |
| Sier Polo Malipiero qu. sier Jacomo, qu. sier Dario . . . . .                                                             | 7.21  |
| Sier Jacomo Marcello, fo capitano di le galie di Baruto, qu. sier Zuane . . . . .                                         | 12.17 |
| Sier Michiel Morexini, fo di Pregadi, qu. sier Piero da San Cassan . . . . .                                              | 15.14 |
| — Sier Andrea di Prioli, fo patron a l'Arsenal, qu. sier Marco, qu. sier Zuan procurator . . . . .                        | 20. 8 |
| — Sier Nicolò Vendramin, è di Pregadi, fo provedador executor in campo, qu. sier Polo, qu. Serenissimo Principe . . . . . | 20.10 |